

Alakoa zekarren  
 pinturak graziya,  
 ezin zan ezagutu  
 zan pintura iya;  
 bada nola ematen  
 baitzuben biziya,  
 eta ikusteaz aiñ  
 pisti itsusiya,  
 jiratzen zan zubira  
 joaten zan guziya.

. . . . .

Ardi zaya gertatu  
 zalako argiya,  
 artaldeasalbatu  
 baitzuben erdiya;  
 bada au aiñ izanik  
 lan miretsgarriya,  
 sayatu da antzezten  
 arzai bere giya,  
 euskal ipuicho oen  
 egille berriya.

## ANIMALI ETA BESTE PISTIYEN BATZARREA.



Pisti aundik, chikiyak  
 zituztela jaten,  
 kejak legoyagana  
 ziralako joaten,  
 deitu zituben denak  
 batzarre batera  
 anzitzan danen gauzak  
 argira atera;  
 eta batean galde  
 egiñik denari,  
 iñork kejian zuben  
 agertzeko ari,  
 saguba irtenikan  
 guzien erdira,  
 esan zion: jauna, bai:  
 kejak asko dira,  
 nik neronek baitauzkat  
 zenbait esan naiyan,

eta gaur gertatutzen  
 naizelako gaiyan,  
 poz aundiz baitiozkat  
 esango guziyak,  
 kastigubakbanatu  
 ditzan justiziyak:  
 nere famili dena  
 izanikan ona,  
 katubak ito digu  
 lengoan amona;  
 eta maiz sagu chikik  
 ito oi dituzte,  
 eta kastigu aundik  
 merezi dituzte.  
 Arratoiak segiran  
 esan zion, jauna;  
 egiya da sagubak  
 kontatzen diona:

gu ere, beti bizi  
 baikera bildurrez,  
 ez gera eskapatzen  
 beretatik errez.  
 Segiruban olloak  
 saltarik erdira,  
 esan zuben; gaiztonak,  
 azariyak dira:  
 ardiyak berriz asi  
 ziran otso billa,  
 esanaz, aiyek galtzen  
 zituztela milla:  
 otsoak berriz kejaz  
 bullan ziran asi,  
 zituztenean ala  
 olloak ikusi,  
 eta besteak ere  
 asirikan ala,  
 iya alkarren itzik  
 aitutzen etzala,  
 onetan egin zuben  
 iriyak marru bat,  
 artean an egin zan  
 aundiyena anbat,  
 zeñen bere izkeran  
 esan baitzuben muu;  
 bañan nola etzion

iñork entenditu,  
 zeren jayotzetandik  
 baitzan itzdun charra,  
 aundi chikik guziyak  
 egin zien farra:  
 eta artaz errege  
 asarreturikan,  
 bota zituben denak  
 bere aurretikan;  
 non aundik ankapean  
 paseaz chikiak,  
 beren lekubetara  
 joan ziran guziyak.  
 Ala eziñ egiñik  
 ezer erregeak,  
 lengo oñean ziran  
 gelditu legeak.

. . . . .

Onek erakusten du  
 bear dala jakiñ,  
 entenditutzen bullik  
 gabe alkarrekiñ;  
 izketan ezpazaio  
 alkarri utzitzen,  
 eztala gero gauza  
 onik ikusitzen.

RAMON ARTOLA.

